



Sindikata srednjeg i visokog obrazovanja, odgoja, nauke i kulture BiH - SSVOONK BiH
Trade Union of Secondary and Highly Education, Nurture, Science and Culture of
BiH – TUSHENSC BiH

Obala Kulina bana 1, Sarajevo, tel/fax:033 21 35 88; e-mail:ssvoonkbih@bih.net.ba

Broj:05-2-445-13/11

Sarajevo, 10.septembar 2011.godina

Na osnovu člana 33. Statuta Sindikata srednjeg i visokog obrazovanja, odgoja, nauke i kulture BiH , Glavni odbor Sindikata srednjeg i visokog obrazovanja, odgoja, nauke i kulture BiH na sjednici održanoj 10.septembra 2011.god. donosi

PRAVILNIK

o vrsti i dodjeli priznanja Sindikata srednjeg i visokog obrazovanja, odgoja, nauke i kulture BiH

Član 1. (Primjena)

(1) Ovim pravilnikom utvrđuje se vrsta, postupak dodjele i izgled priznanja Sindikata srednjeg i visokog obrazovanja, odgoja, nauke i kulture BiH

(u daljem tekstu: SSVOONK-a BiH).

(2) Priznanja se mogu dodjeljivati: članovima sindikata SSVOONK-a BiH, domaćim i stranim partnerskim organima i organizacijama u daljem tekstu.subjekti).

(3) Priznanja se ne mogu dodjeljivati političkim strankama i drugim političkim subjektima.

(4) Ovim pravilnikom također utvrđuje se vrsta, postupak dodjele i izgled certifikata Sindikata srednjeg i visokog obrazovanja, odgoja, nauke i kulture BiH.

Cerifikati se mogu dodjeljivati učesnicima edukativnih seminara koji organizuje SSVOONK BiH, samostalno ili u saradnji sa drugim sindikatima.

Član 2. (Svrha dodjele)

1.) Sindikat srednjeg i visokog obrazovanja, odgoja, nauke i kulture BiH dodjeljuje priznanje subjektima iz člana 1. stav (2) za naročito zalaganje afirmaciju i doprinos za razvoj Sindikata, kao i postignute rezultate u sindikalnom radu i djelovanju.

POGLAVLJE II. VRSTE PRIZNANJA

Član 3. (Vrste priznanja)

- (1) Priznanje može biti pojedinačno i kolektivno.
- (2) Priznanje iz stava (1) ovog člana se dodjeljuje u obliku zahvalnice i plakete.
- (3) Certificati se dodjeljuju pojedinačno.

POGLAVLJE III. KRITERIJI I POSTUPAK Z ADODJELU PRIZNANJA

Član 4. (Kriteriji)

- (1) Za dodjelu priznanja iz člana 3. stav 2. ovog pravilnika utvrđuju se sljedeći kriteriji:
 - a) Izuzetno zalaganje u izvršenju sindikalnih aktivnosti podržavanja svih sindikalnih akcija,
 - b) Poseban doprinos u efikasnom obavljanju sindikalnih zadataka iz člana 2. ovog pravilnika,
 - c) Organizaciono sposobnosti u rukovođenju sindikalnih organizacija, kantonalnih odbora i Glavnog odbora,
 - d) Podrška aktivnostima SSVOONK-a BiH.
- (2) Za dodjelu certifikata iz člana 3. stav 3. utvrđuju se sljedeći kriteriji:
 - a) prisustvo seminaru;
 - b) aktivno učešće i rad na seminaru;
 - c) položen test na seminaru.

Član 5. (Prijedlog za dodjelu)

- (1) Članovi organa SSVOONK-a BiH predlažu subjekte za dodjelu priznanja u pisanoj formi s obrazloženjem Glavnom odboru,
- (2) Inicijativu za dodjelu priznanja može pokrenuti: jedno ili više lica, članova sindikata SSVOONK-a BiH.
- (3) Inicijativu i dodjelu certifikata vrši Predsjedništvo SSVOONK-a BiH.

Član 6. (Lista za dodjelu)

- (1) Na osnovu prijedloga iz člana 5 stav 1. i 2. ovog pravilnika, sačinjava se lista prijedloga subjekata za dodjelu priznanja koja se dostavlja Glavnom odboru SSVOONK-a BiH,
- (2) Listu iz stava (1) ovog člana sačinjava Predsjedništvo SSVOONK-a BiH,
- (3) Listu za dodjelu certifikata utvrđuje Predsjedništvo SSVOONK-a BiH.

Član 7.
(Odluka o dodjeli priznanja)

- (1) Na osnovu liste iz člana 6. stav 1. i 2. ovog pravilnika Glavni odbor donosi odluku o dodjeli priznanja sa obrazloženjem koju potpisuje predsjednik Glavnog odbora,
- (2) Na osnovu liste iz člana 6. stav 3. ovog Pravilnika Predsjedništvo SSVOONK-a BiH donosi Odluku o dodjeli certifikata sa obrazloženjem koje potpisuje Predsjednik SSVOONK-a BiH.
- (3) Priznanja se uručuju na posebno organiziranoj svečanosti.
- (4) Certifikat se uručuje poslije održanog edukativnog seminara.

POGLAVLJE IV. OPIS I IZGLED PRIZNANJA

Član 8.
(Izgled priznanja)

- (1) Zahvalnica i plakete su izrađene na finom čvrstom bijelom papiru pogodnog formata na kome se nalaze naziv «zahvalnica» ili «plaketa», sa prigodnim tekstom, kao i potpis predsjednika SSVOONK-a BiH.
- (2) Izgled zahvalnice i plakete iz stava (1) ovog člana je prikazan na crtežu u prilogu, koji čini sastavni dio ovog pravilnika.
- (3) Certifikat je izrađen na finom, čvrstom bijelom papiru A4 formata, na kome se nalazi naziv certifikata sa obrazloženjem vrste edukacije, imenom i prezimenom, nosiocem certifikata, kao i potpis Predsjednika SSVOONK-a BiH.
- (4) Certifikati mogu biti zajednički i sa sindikatima koji organizuju zajednički edukativni seminar.

POGLAVLJE V. ZAVRŠNE ODREDBE

Član 9.
(Stupanje na snagu)

- (1) Ovaj pravilnik stupa na snagu danom usvajanja
- (2) Za provođenje i tumačenje ovog Pravilnika zadužuje se Predsjedništvo SSVOONK-a BiH.

PREDSJEDNIK

Đevad Hadžić